

Жылдам, биік әрі күшті!

Ұлы Жеңістің 70 жылдығына орай механика кафедрасының ұйымдастыруымен «Жылдам, биік әрі күшті!» атты спорттық іс-шара өтті.



Оқытушылар мен студенттер спорттың сегіз түрі бойынша — футбол, волейбол, теннис, тоғызқұмалақ, шахмат, арқан тартыс, асық, бес тастан жарысқа түсті. Салауатты өмір салтын және ұлттық ойындарды насихаттау мақсатында жүзеге асқан жарысқа футболдан 8 команда, волейболдан 4 команда, тенниске 20 студент, шахматқа 16 студент,

тоғызқұмалаққа 4 студент, арқан тартысқа 4 команда, асыққа 15 студент, бес тасқа 12 студент қатысты.

«Спорт — денсаулық кепілі!», «Жылдам, биік әрі күшті!», «Біз салауатты өмір салтын қалаймыз!» деген үндеулер жазылған Жастар алаңында жарыс аса тартысты өтті. Футболдан — механика мамандығы бойынша оқитын

2-курс студенттерінің «Даламбер» командасы, волейболдан — механика мамандығының 3-курс студенттерінің құрама командасы, теннистен — ФТТ мамандығы бойынша оқитын 1-курс магистранты Құрманбеков Әлімжан, шахматтан — механика мамандығы бойынша оқитын 3-курс студенті Досеке Олжас, арқан тартысудан — механика мамандығы бойынша оқитын 2-курс студенттерінің командасы, тоғызқұмалақтан — механика мамандығы бойынша оқитын 4-курс студенті Камаладин Гүлдана, асықтан — механика мамандығының 3-курс студенті Мәкен Айбек, бес тастан — механика мамандығының 3-курс студенті Қуан Мақпал жеңімпаз атанды. Студенттер бұл жеңістерін Ұлы Отан Соғысында ерлік көрсеткен ата-бабаларымыздың рухына арнайтындықтарын жеткізіп, өз лебіздерін білдірді.

Д.Е. ТУРАЛИНА,
механика кафедрасының
доценті

САЛАУАТТЫ ӨМІР СҮР!

Университеттегі «Саламатты дене мәдениеті» жобасы аясында студенттерді салауатты өмір салтына баулу мақсатында физика-техникалық факультетінің теориялық және ядролық физика кафедрасы С.Д. Асфендияров атындағы ҚазҰМУ оқытушылары және студенттерімен бірлескен шара өткізді.

Спорттық шара студенттердің салауатты өмір сүруге ынталарын арттырып қана қоймай, олардың бұл тақырыптағы білімдерінде толықтыратуы. Студенттерге «Жастық пен сұлулықтың құпиясы», «Замануи контрацепция», «ЖИТС инфекциялары — жастар арасында» сынды тақырыптарда дәрістер оқылып, мол мағлұмат берілді. ҚазҰМУ оқытушылары мен интерндерді жоғарыда аталған тақырыптарға үлкен жауапкершілікпен дайындалып, жан-жақты кәсіби ақпар берумен қатар, интерактивті әрі көрнекі құралдармен студенттерге түсінікті әрі есте қаларлықтай етіп жеткізді. Сол үшін ҚазҰМУ оқытушылары мен студенттеріне айтар алғысымыз мол.

Р. МЫРЗАҚҰЛ,
теориялық және ядролық
физика кафедрасының
аға-кураторы

ҚҰРЫЛТАЙШЫ:

Әл-Фараби атындағы
Қазақ ұлттық
университетінің
ректораты

РЕДАКЦИЯ АЛҚАСЫ:

Бас редактор м.а: **Әйгерім ӘЛІМБЕКОВА**
Жауапты хатшы — **Дариға АМАНКЕЛДИЕВА**
Тілшілер: **Ақмарал ҚУАНЫШЕВА, Рүстем АБРАЕВ**
Дизайнер — **Досжан БАЛАБЕКҰЛЫ**
Фототілшілер: **Талғатбек АСАНОВ, Азамат БУЛАТОВ**
Корректорлар: **Гүлмира БЕКБЕРДИЕВА, Әйгерім ИМАНҒАЛИЕВА**

МЕКЕНЖАЙЫ:

050040, Алматы қ., әл-Фараби даңғылы, 71,
ректорат, II-қабат, №104 бөлме.
Байланыс телефоны:
377-33-30, ішкі: 11-94,
тікелей: 377-31-48.

Электронды мекенжай:
kazuniver-gazeti@mail.ru

Газет редакцияның компьютер орталығында теріліп,
беттелді. «Бизнес-Информ» баспаханасында басылды.
Тел: 2-93-09-09.

Бағасы келісім бойынша.

Таралымы 1000 дана
Тапсырыс №455

- Жарияланған мақаладағы автор пікірі редакцияның көзқарасын білдірмейді.
- Редакцияға түскен қолжазба қайтарылмайды, үш компьютерлік беттен асатын материалдар қабылданбайды.
- «Қазақ университетіне» жарияланған мақала көшіріліп басылса, сілтеме жасауы міндетті.
- Жарнама мәтініне жарнама беруші жауапты.